



## BUYRUQ

2020 йил « 23 » апрель

№ 77

Ўзбекистон Республикаси  
Вазирлар Маҳкамасининг  
2020 йил 16 апрелдаги  
232-сон қарори ижроси  
тўғрисида

Ўзбекистон Республикаси Вазирлар Маҳкамасининг 2020 йил 16 апрелдаги “2020 йил учун Ўзбекистон Республикаси Давлат бюджетининг барқарорлигини таъминлаш ва харажатларини мақбуллаштириш бўйича қўшимча чора-тадбирлар тўғрисида”ги 232-сон қарори ижросини таъминлаш мақсадида,

### Б У Ю Р А М А Н :

1. Ўзбекистон Республикаси Вазирлар Маҳкамасининг 2020 йил 16 апрелдаги “2020 йил учун Ўзбекистон Республикаси Давлат бюджетининг барқарорлигини таъминлаш ва харажатларини мақбуллаштириш бўйича қўшимча чора-тадбирлар тўғрисида”ги 232-сон қарори ижро ва раҳбарлик учун қабул қилинсин.

2. Ўзбекистон Республикаси вазирлик ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг бюджет ташкилотларида (тиббиёт, тиббий-ижтимоий муассасалари, меҳрибонлик уйларида ҳамда меҳнатга ҳақ тўлашнинг 1-3 разрядлари қўлланиладиган ходимлардан ташқари) ишлайдиган ходимларга 2020 йилнинг 16 апрелидан 1 октябрга қадар моддий рағбатлантириш махсус жамғармаси ҳамда директор жамғармаси маблағлари ҳисобидан тўловлар ҳисобланишини тўхтатиб турилиши;

Ўзбекистон Республикаси ижтимоий ва ишлаб чиқариш инфратузилмасини ривожлантириш дастури доирасида амалга оширилаётган қурилиш-монтаж ишларини молиялаштириш ҳажмини жорий йилнинг II чорагида 3,0 трлн сўмдан оширмаслик белгиланганлиги инобатга олинсин.

3. Транспорт вазирлиги марказий аппарати бошқарма бошлиқлари (И.Усмонов, С.Саманов) ва тизимдаги бюджет ташкилотлари раҳбарларига:

а) асосий воситаларни харид қилиш ва капитал таъмирлаш билан боғлиқ харажатларни жорий йилнинг 1 июлига қадар тўхтатиш (молиялаштириш

бошланган чора-тадбирлар бундан мустасно) ва ушбу мақсадлар учун II чорақда режалаштирилган маблағларни қисқартириш ёки 2020 йилнинг иккинчи ярим йиллигига ўтказиш;

б) коммунал хизматлар, озиқ-овқат, қоғоз ва бошқа канцелярия товарлари харид қилиш, тадбирлар ўтказиш, жорий таъмирлаш ва бошқа харажатларни қисқартириш чоралари кўрилсин.

4. Молия-иқтисод бошқармаси бошлиғи (А.Файзиллоев):

мажбурий йиғимлар, божлар ва жарималар ҳисобидан жамланадиган Транспорт ва логистикани ривожлантириш жамғармаси ҳисобида жорий йил 16 апрель ҳолатига мавжуд қолдиқ маблағларни, шу жумладан, тижорат банкларидаги депозит ҳисоб-рақамдаги миллий ва хорижий валютадаги қолдиқ маблағларнинг 50 фоизини Ўзбекистон Республикаси республика бюджетига ўтказилсин ҳамда ижроси юзасидан 2020 йилнинг 5 майига қадар Ўзбекистон Республикаси Вазирлар Маҳкамасига ахборот берилсин.

5. Йиғма-назорат бошқармаси (А.Ҳикматов) мазкур буйруқни Ўзбекистон Республикаси Транспорт вазирлиги марказий аппарати, ҳудудий бошқармалари ва идоравий мансуб ташкилотларига етказилишини таъминласин.

6. Ушбу буйруқ ижроси назоратини ўз зиммамда қолдираман.

Вазир



Э.Ганиев